

**FRAMSELD REGLUGERÐ FRAMKVÆMDASTJÓRNARINNAR  
(ESB) 2015/2170****2016/EES/27/68****frá 24. nóvember 2015****um breytingu á tilskipun Evrópuþingsins og ráðsins 2014/24/ESB að því er varðar beitingu  
viðmiðunarfjárhæða við útboð og gerð samninga (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2014/24/ESB frá 26. febrúar 2014 um opinber innkaup og niðurfellingu tilskipunar 2004/18/EB <sup>(1)</sup>, einkum 6. gr.,*og að teknu tilliti til eftirfarandi:*

- 1) Með ákvörðun 94/800/EB <sup>(2)</sup> samþykkti ráðið samning um opinber innkaup („samninginn“) <sup>(3)</sup>. Samningnum ætti að beita gagnvart öllum innkaupasamningum, sem ná þeim fjárhæðum eða fara yfir fjárhæðirnar („viðmiðunarfjárhæðir“) sem settar eru fram í samningnum og tilgreindar sem sérstök dráttarréttindi.
- 2) Eitt af markmiðum tilskipunar 2014/24/ESB er að gera samningsyfirvöldum, sem beita henni, kleift að uppfylla um leið þær skuldbindingar sem mælt er fyrir um í samningnum. Til að ná þessu markmiði ætti að aðlaga viðmiðunarfjárhæðirnar, sem mælt er fyrir um í þeirri tilskipun að því er varðar opinbera samninga sem samningurinn nær einnig yfir, til að tryggja að þær samsvari þeim fjárhæðum í evrum sem, námundaðar að næsta þúsundi, jafngilda þeim viðmiðunarfjárhæðum sem settar eru fram í samningnum.
- 3) Samræmisins vegna er rétt að aðlaga einnig þær viðmiðunarfjárhæðir í tilskipun 2014/24/ESB sem ekki falla undir samninginn. Því ætti að breyta tilskipun 2014/24/ESB til samræmis við það.
- 4) Þar eð útreikningur endurskoðuðu viðmiðunarfjárhæðanna þarf að fara fram á grundvelli meðaltals verðgildis evrunnar fyrir tiltekið tímabil, sem lýkur 31. ágúst, og birta á endurskoðuðu viðmiðunarfjárhæðirnar í *Stjórnartíðindum Evrópusambandsins* í byrjun nóvember, ætti að beita flýtimeðferðinni við samþykkt þessarar reglugerðar.

SAMÞYKKT REGLUGERÐ ÞESSA:

*I. gr.*

Tilskipun 2014/24/ESB er breytt sem hér segir:

- 1) Ákvæðum 4. gr. er breytt sem hér segir:
  - a) í a-lið komi fjárhæðin „5 225 000 evrur“ í stað „5 186 000 evrur“,
  - b) í b-lið komi fjárhæðin „135 000 evrur“ í stað „134 000 evrur“,
  - c) í c-lið komi fjárhæðin „209 000 evrur“ í stað „207 000 evrur“.

(\*) Þessi ESB-gerð birtist í Stjtið. ESB L 307, 25.11.2015, bls. 5. Hennar var getið í ákvörðun sameiginlegu EES-nefndarinnar nr. 98/2016 frá 29. apríl 2016 um breytingu á XVI. viðauka (Opinber innkaup) við EES-samninginn, biður birtingar.

<sup>(1)</sup> Stjtið. ESB L 94, 29.4.2014, bls. 65.

<sup>(2)</sup> Ákvörðun ráðsins 94/800/EB frá 22. desember 1994 um samþykki af hálfu Evrópubandalagsins, að því er varðar málefni sem falla undir valdsvið þess, á samningunum sem náðust í Úrúgvælotu marghliða samningaviðræðnanna (1986 til 1994) (Stjtið. EB L 336, 23.12.1994, bls. 1).

<sup>(3)</sup> Samningurinn er fjöhlíða samningur innan ramma Alþjóðaviðskiptastofnunarinnar. Markmiðið með samningnum er að samningsaðilar opni markaði sína er varða opinber innkaup hver fyrir öðrum.

- 2) Eftirfarandi breyting er gerð á fyrstu málsgrein 13. gr.:
- a) í a-lið komi fjárhæðin „5 225 000 evrur“ í stað „5 186 000 evrur“,
  - b) í b-lið komi fjárhæðin „209 000 evrur“ í stað „207 000 evrur“.

2. gr.

Reglugerð þessi öðlast gildi 1. janúar 2016.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 24. nóvember 2015.

*Fyrir hönd framkvæmdastjórnarinnar,*

Jean-Claude JUNCKER

forseti.

---